

四庫全書

子部

欽定四庫全書

子部

黃氏日抄卷二十二

詳校官中書_臣康綸鈞

刑部郎中_臣許兆椿覆勘

總校官進士_臣楊懋珩

校對官監丞_臣張曾炳

膳錄監生_臣陳燦

欽定四庫全書

黃氏日抄卷二十二

宋 黃震 撰

讀禮記九

雜記上第二十

諸侯行而死於館則其復如於其國如於道則升其乘車之左轂以其綏復其輶有襚緇布裳帷素錦以為屋而行至於廟門不毀牆遂入適所殯唯輶為說於廟門

外輶千見反襚昌占反說吐奪反

館王國所致館舍復招還其魂魄綏鄭改為綏廬陵
胡氏謂即所執升車之綏輶載柩將殯之車飾襃斿
甲邊緣緇布裳帷者謂輶下棺外用緇色之布以為
裳帷素錦屋者謂於裳帷之中又用素錦為小帷如
屋形以覆棺也廟所殯宮牆指裳帷○諸侯死於館
舍則其招魂如在其國升屋東榮用衣而號如死於
道則升車左轂以象升屋東榮用所執之綏象所服
之衣整車飾而歸殯將入殯宮惟脫柩上之輶不脫

柩旁之帷裳上者高而妨入廟門旁者留之不露柩

也補

大夫士死於道則升其乘車之左轂以其綏復如於館
死則其復如於家大夫以布為輶而行至於家而說輶
載以輜車入自門至於阼階下而說車舉自阼階升適

所殯士輶葦席以為屋蒲席以為帷裳

輜市
專反

輜車凡車有輻曰輪無輻曰輅輜車以輪為輪迫地
而行輪卑有似於蜃又曰蜃車殯皆用之。大夫禮

降於諸侯士降於大夫補

凡訃於其君曰君之臣某死父母妻長子曰君之臣某之某死君訃於他國之君曰寡君不祿敢告於執事夫人曰寡小君不祿大子之喪曰寡君之適子某死大夫訃於同國適者曰某不祿訃於士亦曰某不祿訃於他國之君曰君之外臣寡大夫某死訃於適者曰吾子之外私寡大夫不祿使其實士訃於同國大夫曰某死訃於士

亦曰某死訃於他國之君曰君之外臣某死訃於大夫
曰吾子之外私某死訃於士亦曰吾子之外私某死

適子

之適音的適者之適音適

訃死而赴告也士曰不祿今君與大夫亦同士稱者
告於他國謙辭也告於他國之君故曰外臣以他國
之臣與死者有恩私故曰外私適者謂敵體之人使

某實謂以實告

方氏

大夫次於公館以終喪士練而歸士次於公館大夫居

廬士居堊室

次謂服君喪而為之哀次也公館公宮官舍也大夫於公館終喪則三年而後歸士練而歸則朞年而已降殺之辨也繼又言士次於公館者即指練而歸之士蓋大夫以其序皆次且朝夕存焉士則謂不盡次又未必朝夕存焉故既曰練而歸又曰次於公館者謂不盡次故以次為復也鄭氏分士為二等有邑宰朝廷之殊疑未然廬者倚木於室外為廬堊室者白

其室中為堊倚廬之制重堊室之制輕親者貴者居

倚廬䟽者賤者居堊室

合方氏
應氏說

大夫為其父母兄弟之未為大夫者之喪服如士服士

為其父母兄弟之為大夫者之喪服如士服

為于
偽反

喪服以麗者為重大夫之喪重於士故生者貴而死

者賤則其服從死者嫌若臨之也生者賤而死者貴

則其服從生者嫌若僭之也

用方
氏補

大夫之適子服大夫之服大夫之庶子為大夫則為其

父母服大夫服其位與未為大夫者齒士之子為大夫則其父母弗能主也使其子主之無子則為之置後

適丁

反歷

大夫之適子雖為士得服大夫之服尊適故也至於庶子必身為大夫然後敢服其服其位猶與諸子未為大夫者齒宗適故也父為士子為大夫子死而父母不得主其喪者士不得攝大夫也其子得主之者以其為適得服大夫之服也為之置後即亦為大夫

之適子也

用方氏修

大夫卜宅與葬日有司麻衣布衰布帶因喪屨緇布冠不蕤占者皮弁如筮則史練冠長衣以筮占者朝服○

卜用龜宅謂葬地有司羣吏執事者麻衣白布深衣衰指喪服之當心者蕤者冠之飾即綏緇布冠古不蕤後代有蕤此以凶事故特云不蕤筮用著史即筮人長衣深夜之純素者皮弁朝服皆吉服卜筮者以凶事求神服不敢純吉占者求吉則

服純吉補

大夫之喪既薦馬薦馬者哭踊出乃包奠而讀書

薦進也馬牽車者薦馬則喪車將行故哭踊古說謂孝子哭踊然本文言薦馬者哭踊當是執事之臣子也喪車將行矣乃取遣奠牲下體包裹為送又讀所

書送物之名補

大夫之喪大宗人相小宗人命龜卜人作龜

大宗大宗伯相相其禮小宗小宗伯命龜謂告以所

問事卜人掌龜者作龜謂揚火灼之以出兆

集鄭孔氏

內子以鞠衣褒衣素紗下大夫以禮衣其餘如士復諸侯以褒衣冕服爵弁服夫人稅衣揄狄狄稅素紗復西

上

鞠九六反禮張戰反稅他喚反揄音遙

內子卿之適妻下大夫謂下大夫之妻鞠衣卿妻之衣褒衣始為命婦見加賜之衣素紗若今紗縠所以裏衣者也其餘如士謂鞠衣禮衣之外其餘祿衣則如士妻之服也復謂初死時呼之奠招復其魂魄也

褒衣亦謂諸侯始加賜衣服褒之言進也冕服則上
公五侯伯四子男三爵弁則爵色之弁也夫人稅衣
揄狄者言用稅衣上至揄狄蓋侯伯夫人自揄狄而
下子男夫人自闕狄而下鄉妻自鞠衣而下大夫妻
禮衣而下士妻稅衣而已五者之服惟夫人得備狄
稅素沙者言上自揄狄下至稅衣皆用素紗白穀為
裏復必西上者北面而西上西北皆陰求諸幽故也
○復欲其生氣之來復故皆用其生時之上衣多少

則各隨其命數

陸氏

大夫不揄絞屬於池下

絞戶交反屬音燭

揄揄翟也。絞者采青黃之間曰絞，屬猶繫也。○此言大夫葬時車飾也。凡喪車之飾曰柳柳之外有如承水雷者名池，人君之柳其池繫絞繒於下而畫翟雉焉，名曰振容。又有銅魚在其間，大夫去振容，士去魚。故大夫不得畫揄絞屬於池下，容池上有之。

用鄭孔陸氏修

大夫附於士，士不附於大夫，附於大夫之昆弟，無昆弟

則從其昭穆雖王父母在亦然婦附於其夫之所附之
妃無妃則亦從其昭穆之妃妾附於妾祖姑無妾祖姑
則亦從其昭穆之妾男子附於王父則配女子附於王
母則不配公子附於公子

昭舊直遙反晉人避司馬昭之諱也今如字

附即祔謂後死者附先死者而祭王母祖父母也夫
所附之妃謂祖母於婦則祖姑女子謂在室及嫁未
三月而死者○大夫附於士不敢以已之貴自殊於
其祖也士不附於大夫自卑而別於尊也大夫之昆

弟謂為士者苟無昆弟則從其昭穆中以上附高祖
之為士者下言從其昭穆之妃從其昭穆之妾則亦
謂祔於高祖之妃與妾也雖王父母在亦然者以孫
宜祔於祖祖在無可祔亦祔於高祖也男子附於王
父則配者孫附於祖曰以其配若女附於祖母惟祭
饌如一而祝辭不云以某配公子附於公子不敢戚

君集

君薨大子號稱子待猶君也

君薨未踰年太子雖猶稱子而人待之則猶君

鄭氏說

有三年之練冠則以大功之麻易之唯杖屨不易
斬衰既練其要經與大功初死要經麓細同麻謂要
經也唯杖屨不易者言其餘皆易杖不易者以大功
無杖屨不易者以俱用繩也

有父母之喪尚功衰而附兄弟之殤則練冠附於殤稱
陽童其甫不名神也

父母喪既練皆受以大功之衰故謂之功衰以此時

而祔大功親以下之殤則練冠陽童謂稱庶殤子若

宗子則稱陰童字以某甫而不名者神事之也

鄭氏

凡異居始聞兄弟之喪唯以哭對可也其始麻散帶經未服麻而奔喪及主人之未成經也疏者與主人皆成之親者終其麻帶經之日數

以哭對者哀痛不以言辭為禮也始麻散帶經者其初聞喪始服麻之時散垂要之帶經若小功以下服輕者則糾垂不散也未服麻而奔喪者謂道路既近

聞而即奔至在主人未成經時謂未小斂之前也疏者謂小功以下值主人未成服則隨主人成之親者謂大功以上雖值主人成服未即與之成必終自己

麻帶經禮日數而後成服也

鄭氏
孔氏

主妾之喪則自祔至於練祥皆使其子主之其殯祭不於正室君不撫僕妾

祔自主之者以其祭於祖廟祭不於正室者以其非

適不撫僕妾畧於賤

鄭氏
方氏

女君死則妻為女君之黨服攝女君則不為先女君之黨服

女君雖死猶為女君之黨服已攝女君則否

補

聞兄弟之喪大功以上見喪者之鄉而哭適兄弟之送葬者弗及遇主人於道則遂之於墓凡主兄弟之喪雖疏亦虞之

見喪者之鄉而哭奔喪節也遂之於墓言骨肉之親不待主人也疏亦虞之以喪事虞祔乃畢安其神為

重也鄭氏

凡喪服未畢有弔者則為位而哭拜踊

弔雖後時然喪猶未畢不可以殺禮待新弔之客方氏

孔氏

大夫之哭大夫弁經大夫與殯亦弁經大夫有私喪之葛則於其兄弟之輕喪則弁經

弁經者如爵弁而加環經乃大夫錫衰相弔之首服
私喪之葛謂妻子之喪卒哭以葛代麻兄弟之輕喪

謂總麻。大夫之相弔必弁經不以妻子私喪之末服臨兄弟補

為長子杖則其子不以杖即位為妻父母在不杖不稽顙母在不稽顙稽顙者其贈也拜

父為長子杖則長子之子不杖辟尊者也父母在則為妻不杖不稽顙為尊者厭也母在父沒為妻惟不

稽顙至拜贈則亦稽顙母之尊殺於父也

用鄭氏方氏修

違諸侯之大夫不反服違大夫之諸侯不反服

違去也之往也反服為舊君服也。去諸侯仕大夫
是自尊適卑不可反服於前之尊君以形新君之卑
去大夫仕諸侯是自卑適尊不可反服於前之卑君

以辱新君之尊

用孔氏修

喪冠條屬以別吉凶三年之練冠亦條屬右縫小功以

下左總冠綠纓大功以上散帶

綠音深今讀如字

條屬者謂喪冠通屈一條繩為武垂下為纓屬之冠
吉冠則纓武異材故曰條屬以別吉凶三年練冠小

祥之冠也亦條屬而右縫喪冠之縫向左右右為陰
者喪所尚也小功以下輕故縫向左同於吉總冠縹
纓者縹讀如蠶縹之縹縹纓散絲纓也大功以上散
帶者小紵後小功以下皆紵之大功以上不忍即成
之故散垂此帶至成服乃絞

孔氏及
陸氏說

朝服十五升去其半而總加灰錫也

升者麻縷之數八十縷為升十五升千二百縷去其
半為總加灰治之為錫

用孔
氏說

諸侯相祔以後路與冕服先路與褻衣不以祔

音遂

贈死曰祔後路貳車冕服次冕。贈死者不以已之

正所服用

遣車視牢具䟽布輶四面有章置于四隅

章或作鄭去聲讀

遣車送葬載牲體之車牢具遣奠所包牲牢之體貴

賤各有數一个為一具取一車載之故云視牢具䟽

布輶乃其車之上盖四面皆有章蔽以隱翳牢肉入

壙則置于槨之四隅

合鄭氏孔氏說

載糗有子曰非禮也喪奠脯醢而已

糗良反

糗米糧也遣奠之饌無黍稷

鄭氏孔氏

祭稱孝子孝孫喪稱哀子哀孫

祭所以追養故稱孝喪所以哭亡故稱哀

方氏

端衰喪車皆無等

端正也吉時元端服身與袂同以二尺二寸為正而喪衣亦如之以其綴六寸之衰於心前故曰端衰喪車惡車等等差也。喪之衣衰及車天子至士制度

同
氏孔

大白冠緇布之冠皆不蕤委武玄縞而后蕤

大白冠白布為之太古之冠緇布冠黑布為之始冠

之冠皆質而無飾委武皆冠卷苦圓反委言內所恃以

為質武言外所覲以為文玄玄冠也縞縞冠也玄縞

二冠既先有別卷乃可蕤故云而后蕤鄭氏孔氏

大夫冕而祭於公弁而祭於已士弁而祭於公冠而祭

於已士弁而親迎然則士弁而祭於已可也迎魚敬反

弁爵弁冠玄冠

鄭氏

暢白以掬杵以梧枇以桑長三尺或曰五尺畢用桑長

三尺刊其柄與末

曰其究反掬弓六反
枇音匕長直亮反

暢爵鬯也白所以搗之者也掬栢也梧桐也枇即匕

牲體從鑊以枇升入於鼎從鼎以枇載之於俎畢所

以助主人之舉肉者曲而長象畢星故名畢刊猶削

也

孔氏

率帶諸侯大夫皆五采士二采

率音律

率綵也謂襲尸之大帶大夫以上飾以五采士以朱

綠鄭氏

醴者稻醴也甕甒筭衡實見間而后折入

甒音武衡
戶剛反

甕盛醢醢甒盛酒醴筭盛黍稷衡以大木為桁以皮
甕甒筭者皆送葬所藏之物也見者棺之衣所謂帷
荒以尸藏於內而飾見於外故謂之見折者承席也
形如牀無足曲折為之故曰折實見間者以甕甒等
實於見與槨之間而后折入者實物於槨內既畢而

后入此承席加於槨之上焉

孔氏方氏

重既虞而埋之凡婦人從其夫之爵位

重者初喪時所立之主以既有柩又有主故名重既葬而虞祭立主矣則埋之

小斂大斂啓皆辯拜朝夕哭不帷無柩者不帷

辯音遍

啓謂啓攢辯拜謂徧拜以謝賓

君若載而后弔之則主人東面而拜門右北面而踊出待反而后奠

載謂將出葬已載柩於車也主人在柩車西故東面而拜門右謂廟門內西邊拜踊於賓位不敢迫近君也待君既弔而出然後行遣奠之禮

用鄭氏說

子羔之襲也繭衣裳與稅衣纁袖為一素端一皮弁一

爵弁一玄冕一曾子曰不襲婦服

稅他喚反袖而占反

繭衣裳謂衣裳相連而綿纒之者也表之以稅衣纁為之緣與袖為一稱稅謂黑衣纁絳色袖婦人蔽膝也素端以素為衣裳此第二稱皮弁第三稱爵弁第

四稱元冕第五稱纁禡婦人服而子羔襲用之故曾

子讓之

孔氏

為君使而死公館復私館不復公館者公宮與公所為也私館者自卿大夫以下之家也

私館妨其私家故不復

補

公七踊大夫五踊婦人居間士三踊婦人皆居間

七者始死一明日襲一襲之明朝一又明日小斂一及小斂日再踊一小斂之明日一并大斂一凡七五

者始死一明日襲一又明日小斂一同日再小斂一
明日大斂一凡五三者始死一小斂一大斂一凡三
居間者謂主人踊婦人踊賓乃踊婦人居賓主之間

凡孔

公襲卷衣一玄端一朝服一素積一纁裳一爵弁二玄

冕一衰衣一朱綠帶申加大帶於上

卷音
衰

卷者衰衣玄端者燕居玄端朱裳朝服者緇衣素裳
自視朝之服素積者皮弁視朔之服纁裳冕服之裳

爵弁二者玄衣纁裳此始命之服重本故二通也袞

衣最上華君賜也

孔氏

小斂環經公大夫士一也

環經一股纏經

鄭氏

公視大斂公升商祝鋪席乃斂

君臨臣喪雖已鋪席商祝更鋪乃斂榮君來為新之

也

孔氏

魯人之贈也三玄二纁廣尺長終幅

廣長並去聲

贈謂以物送亡人廣尺長終幅失禮禮丈八尺

孔氏

弔者即位于門西東面其介在其東南北面西上西於門主孤西面相者受命曰孤某使其請事客曰寡君使某如何不淑相者入告出曰孤某須矣弔者入主人升堂西面弔者升自西階東面致命曰寡君聞君之喪寡君使某如何不淑子拜稽顙弔者降反位

此記諸侯相弔之禮子孤子也

鄭孔氏

含者執璧將命曰寡君使某含相者入告出曰孤某須

矣含者入升堂致命子拜稽顙含者坐委于殯東南有
蓆席既筵蒲席降出反位宰夫朝服即喪屨升自西階
西面坐取璧降自西階以東含胡
闡反

此記相含之禮以東藏於內也鄭孔
氏

祔者曰寡君使某祔相者入告出曰孤某須矣祔者執
冕服左執領右執要入升堂致命曰寡君使某祔子拜
稽顙委衣于殯東祔者降受爵弁服於門內雷將命子
拜稽顙如初受皮弁服於中庭自西階受朝服自堂受

玄端將命子拜稽顙皆如初禮者降出反位宰夫五人舉以東降自西階其舉亦西面

此記相禮之禮

上介賄執圭將命曰寡君使某賄相者入告反命曰孤某須矣陳乘黃大路於中庭北軒執圭將命客使自下

由路西子拜稽顙坐委于殯東南隅宰舉以東

賄芳鳳反軒竹

由反

此記相賄之禮軒轅也客使謂使客之從者客之所

使故曰客使下謂馬也馬在路之下路即大路之車

孔氏

凡將命鄉殯將命子拜稽顙西面而坐委之宰舉璧與圭宰夫舉襚升自西階西面坐取之降自西階贈者出反位于門外

此摠記將命授受之禮

上客臨曰寡君有宗廟之事不得承事使一介老某相執綽相者反命曰孤某須矣臨者入門右介者皆從之

立于其左東上宗人納賓升受命于君降曰孤敢辭吾
子之辱請吾子之復位客對曰寡君命某毋敢視賓客
敢辭宗人反命曰孤敢固辭吾子之辱請吾子之復位
客對曰寡君命某毋敢視賓客敢固辭宗人反命曰孤
敢固辭吾子之辱請吾子之復位客對曰寡君使臣某
毋敢視賓客是以敢固辭固辭不獲命敢不敬從客立
于門西介立于其左東上孤降自阼階拜之升哭與客
拾踊三客出送于門外拜稽顙

臨如字又力鳩反拾其却反

此記臨哭相辭讓之禮臨喪而哭故謂之臨弔含襚
賻禮畢故上客行臨之禮拾踊者客與主更踊

其國有君喪不敢受弔

有君喪則親喪不敢受弔

外宗房中南面小臣鋪席商祝鋪絞衾士盥于盤北
舉遷尸于斂上卒斂宰告子馮之踊夫人東面坐馮之
興踊士喪有與天子同者三其終夜燎及乘人專道而
行

乘人謂使人執引專道謂使人辟路鄭氏

雜記下第二十一

有父之喪如未沒喪而母死其除父之喪也服其除服卒事反喪服雖諸父昆弟之喪如當父母之喪其除諸父昆弟之喪也皆服其除喪之服卒事反喪服

沒猶終也除服謂祥祭之服。服前喪之除服而反後喪之喪服不特於父母之重喪雖當父母喪而遭諸父昆弟之喪亦然示於前喪有終後喪亦不為前

喪之除而奪也補

如三年之喪則既顛其練祥皆行顛反

顛草名無葛之鄉去麻則用顛蓋代葛者。○三年之喪既虞卒哭而變麻以顛矣則前喪之練祭乃得行蓋後喪未卒哭以前不可行前喪之練祭以麻經純凶而練祭從吉也補

王父死未練祥而孫又死猶是附於王父也

王父雖未練祥而孫得祔者昭穆同也禮孫死祔祖

方氏
孔氏

有殯聞外喪哭之他室入奠卒奠出改服即位如始即位之禮

有殯謂父母喪未葬柩在殯宮者也外喪謂兄弟喪在遠者也若聞外喪而哭於殯宮嫌是哭殯今於他室明所哭者為新喪也入奠謂朝入奠於殯宮既乃更即位就他室如始哭時此謂哭新喪之明日再哭

也
孔氏
鄭氏

大夫士將與祭於公既視濯而父母死則猶是與祭也
次於異宮既祭釋服出公門外哭而歸其他如奔喪之
禮如未視濯則使人告告者反而后哭如諸父昆弟姑
姊妹之喪則既宿則與祭卒事出公門釋服而后歸其
他如奔喪之禮如同宮則次於異宮

告謂告君既宿謂祭前三日將致齋受宿戒。將與
祭聞父母喪猶卒祭謂君命嚴而祭事重也然人子
之情當何如雖堅忍其痛而不哭果能一其將事之

誠否耶漢儒傳聞古說幸於今無用闕疑可也補

曾子問曰卿大夫將為尸於公受宿矣而有齊衰內喪則如之何孔子曰出舍乎公宮以待事禮也

受宿受齊宿之戒齊衰內喪謂諸父昆弟姑姊妹之

服

孔氏

孔子曰尸弁冕而出卿大夫士皆下之尸必式必有前

驅

已見曾子問

父母之喪將祭而昆弟死既殯而祭如同宮則雖臣妾
葬而后祭祭主人之升降散等執事者亦散等雖虞附
亦然

父母之喪將祭謂練祥也散等謂不涉級聚足新喪
略威儀也○兄弟死必殯後方行父母練祭若同宮
雖臣妾死亦葬後方行父母練祭以練祭從吉不可
以凶事雜之也喪祭散等蓋不暇為威儀補

自諸侯達諸士小祥之祭主人之酢也濟之衆賓兄弟

則皆啐之大祥主人啐之衆賓兄弟皆飲之可也

啐至齒啐入口

鄭氏

凡侍祭喪者告賓祭薦而不食

侍祭喪謂相禮者薦謂脯醢祭薦謂祭以脯醢也凡吉祭則告賓祭薦既祭而食之喪祭不主飲食故相者告賓但祭其薦而不食此天台賈蒙集古說也然恐薦非指脯醢之物謂薦用脯醢則可謂薦為脯醢則不可蓋此章合以告賓祭為句薦而不食為句薦

於神人而已不食之也與上文瘠之啐之意相續補
子貢問喪子曰敬為上哀次之瘠為下顏色稱其情戚
容稱其服請問兄弟之喪子曰兄弟之喪則存乎書策
矣君子不奪人之喪亦不可奪喪也

喪尚哀至祭則尚敬耳此章疑有為之言又親喪亦
未嘗不存於書策補

孔子曰少連大連善居喪三日不怠三月不解期悲哀
三年憂東夷之子也

言其生於夷狄而知禮鄭氏

三年之喪言而不語對而不問廬亞室之中不與人坐
馬在堂室之中非時見乎母也不入門䟽衰皆居亞室
不廬廬嚴者也

言自言已事語為人說也言而不語對而不問居憂
有所不暇也廬亞室之中不與人坐示憂之所獨也
廬謂倚木居於室外之西北角亞室於室中塗之使
白也以時事見乎母乃入門則居廬時無為皆不入

門也以廬為嚴者以父母喪乃居之非褻易之地比

也

用孔氏方氏修

妻視叔父母姑姊妹視兄弟長中下殤視成人

視猶言比也此言輕重雖稍異而哀戚略同也

鄭氏方氏

親喪外除兄弟之喪內除

外除者服已除而內之哀未忘內除者服未除而內之哀已殺然愚按服之隆殺已各稱其情於服之殺者亦非情不至而姑外為之服也合詳之補

視君之母與妻比之兄弟發諸顏色者亦不飲食也

服君之母妻比已之兄弟凡酒食能使人醉飽而發見於顏色者亦不敢飲食之

免喪之外行於道路見似目瞿聞名心瞿弔死而問疾顏色戚容必有以異於人也如此而后可以服三年之

喪其餘則直道而行之是也

瞿九遇反

似謂貌似父母名謂名同父母瞿惻隱貌問弔而哀戚故必有異於人發於中心者如此然後服三年之

喪能情文相稱其餘直道而行謂喪之輕者不必若是其委折也然三年之喪發於中心之實然亦直道也雖喪之輕者其文亦未嘗無委折於其間

用方氏修

祥主人之除也於夕為期朝服祥因其故服

祥謂祥祭主人除服之節於祥祭前夕預告明日祥祭之期此時主人着朝服謂緇衣素裳縞冠明旦祥之時主人因着其前夕故朝服

孔氏

子游曰既祥雖不當縞者必縞然後反服

縞祥祭之服此言親喪雖既除猶有他喪未除今以

祥故無所不用縞然後反他喪之服

陸氏

當袒大夫至雖當踊絕踊而拜之反改成踊乃襲於士
既事成踊襲而后拜之不改成踊

此謂士有喪當袒踊而大夫來弔則絕踊而拜之士

來弔則成踊而後拜

本賈氏說

上大夫之虞也少牢卒哭成事附皆大牢下大夫之虞也
也牲卒哭成事附皆少牢

卒哭謂之成事成吉事也附祔廟也禮皆重於虞祭

孔氏

祝稱卜葬虞子孫曰哀夫曰乃兄弟曰某卜葬其兄弟曰伯子某

卜葬卜虞祝稱主人之辭子孫於父祖稱哀子哀孫夫於妻稱乃夫補

古者貴賤皆杖叔孫武叔朝見輪人以其杖闕轂而輅輪者於是有爵而后杖也輅胡罪反

叔孫武叔魯大夫叔孫州仇輪人作車輪之人闕穿也輟迴也叔孫武叔見輪人以扶病之杖闕穿車轂中迴轉其輪謂其用之鄙褻而禁之必有爵而后得

用杖

孔氏賈氏

鑿巾以飯公羊賈為之也

飯扶晚反

飯含也恐親為人所惡故設巾覆尸面而當口鑿穿之令含入口自公羊賈始

集

冒者何也所以揜形也自襲以至小斂不設冒則形是

以襲而后設冒也

恐死者為人所惡故自襲至歛皆冒之補

或問於曾子曰夫既遣而包其餘猶既食而裹其餘與
君子既食則裹其餘乎曾子曰吾子不見大饗乎夫大
饗既饗卷三牲之俎歸于賓館父母而賓客之所以為

哀也子不見大饗乎

與音餘

父母未別遂同賓客之䟽孝子所以悲哀而包奠送

之也曾子以解或人包奠之疑

孔氏說

非為人喪問與賜與三年之喪以其喪拜非三年之喪以吉拜三年之喪如或遺之酒肉則受之必三辭主人衰經而受之如君命則不敢辭受而薦之喪者不遺人遺之雖酒肉受也從父昆弟以下既卒哭遺人可也

與音餘

予敵體曰問上予下曰賜。記者設辭謂豈非為人之喪而問之賜之歟下乃應問賜有喪者之禮

縣子曰三年之喪如斬期之喪如剡期之喪十一月而

練十三月而祥十五日而禫三年之喪雖功衰不弔自諸侯達諸士如有服而將往哭之則服其服而往練則弔如斬如剡言哀痛淺深之別功衰謂既練之服小祥後衰與大功同故曰功衰練謂大祥始除衰杖而練

孔氏

既葬大功弔哭而退不聽事焉期之喪未葬弔於鄉人哭而退不聽事焉功衰弔待事不執事小功總執事不與於禮

事謂襲歛之屬禮謂饋奠

相趨也出宮而退相揖也哀次而退相問也既封而退

相見也反哭而退朋友虞附而退

封彼驗反
又如字

相趨謂本不相識聞名而來會喪者喪出殯宮門即

退相揖謂在他處嘗相識者喪至大門外哀次而退

相問嘗相問遺者待封窆而退相見謂嘗執贄相往

來者待其反哭於家而後退朋友則待其虞祭祔廟

而後退此論送喪以恩厚薄為去遲速之節

孔氏
方氏

弔非從主人也四十者執紼鄉人五十者從反哭四十者待盈坎

弔者非徒從主人之行而已年四十而未衰者皆執紼若同鄉而近五十者從主人反哭於家年四十者

留待拵壙

本孔氏說

喪食雖惡必充飢飢而廢事非禮也飽而忘哀亦非禮也視不明聽不聰行不正不知哀君子病之故有疾飲酒食肉五十不致毀六十不毀七十飲酒食肉皆為疑

死有服人召之食不往大功以下既葬適人人食之其
黨也食之非其黨弗食也功衰食菜果飲水醬無鹽酪
不能食食鹽酪可也孔子曰身有瘍則浴首有創則沐
病則飲酒食肉毀瘠為病君子弗為也毀而死君子謂
之無子

人食之
食音嗣

此論居喪飲食之節

非從柩與反哭無免於垆

垆古鄧反
免當音問

免所以代冠者也垆道路也言喪服出入非從柩與

反哭不得免於道路必以冠

本鄭氏孔氏

凡喪小功以上非虞附練祥無沐浴

居喪惟喪祭乃沐浴

補

疏衰之喪既葬人請見之則見不請見人小功請見人可也大功不在以執摯唯父母之喪不辟涕泣而見人

辟音避

不辟涕泣言至哀無飾

鄭氏

三年之喪祥而從政期之喪卒哭而從政九月之喪既

葬而從政小功總之喪既殯而從政

大夫士三年之喪期不從政正禮也金革之事無辟

權禮也

孔氏

曾申問於曾子曰哭父母有常聲乎曰中路嬰兒失其
母焉何常聲之有

哭不偯

卒哭而諱王父母兄弟世父叔父姑姊妹子與父同諱
母之諱宮中諱妻之諱不舉諸其側與從祖昆弟同名

則諱

子與父同諱者父為諱而子從之也母之諱謂母家

之私諱補

以喪冠者雖三年之喪可也既冠於次入哭踊三者三
乃出

以喪冠謂因喪而冠雖者明齊衰以下皆可鄭氏

大功之末可以冠子可以嫁子父小功之末可以冠子
可以嫁子可以取婦已雖小功既卒哭可以冠取妻下

殤之小功則不可

取此遇反
又如字

末謂卒哭之後大功據身而言小功據父而言孔氏
謂互相脩必身與父俱是大功之末方可冠子嫁子
父與身俱是小功之末方可冠子嫁子與取婦取婦
獨於小功之末言之者取婦有酒食之會涉於歡樂
也然小功之末雖可冠子嫁子取婦若下殤之小功
則不可者下殤之小功本齊衰重服以下殤而降在
小功服降而情不降也范氏謂五服之制各有月數

月數之內自無吉事故曰接弁冕也左氏傳晉侯有
小姜之喪小姜貴妾總耳叔向尚以衰經辭齊昏是
雖喪猶無昏姻之道此書或為男女失時或繼嗣未
立者非通例也

集

凡弁經其衰侈袂

帛服首著弁經身著錫衰總衰疑衰此三衰大作其
袂袂二尺二寸大者半而益之則侈袂三尺三寸

鄭氏

孔氏

父有服宮中子不與於樂母有服聲聞焉不舉樂妻有服不舉樂於其側大功將至辟琴瑟小功至不絕樂

此記已雖無服已之親有服亦體其心而不樂惟小

功輕服則否

補

姑姊妹其夫死而夫黨無兄弟使夫之族人主喪妻之黨雖親弗主夫若無族矣則前後家東西家無有則里尹主之或曰主之而附於夫之黨

里尹閭胥里宰之屬周禮二十五家為里里置一宰

下士也如此極言妻黨不得與夫家之事死而無主
寧使鄰與里尹主之又云或曰主之而附於夫之黨
鄭氏謂夫之黨其祖姑方氏謂此言或者之說非也
晦庵曰古法既廢從宜而祀之別室亦可集
麻者不紳執玉不麻麻不加於采

麻者經也紳大帶也喪以要經代大帶執玉行禮者
不服麻采謂玄纁弁經之麻不加於玄衣纁裳之采

此言吉凶不相干

鄭氏
孔氏

國禁哭則止朝夕之奠即位自因也童子哭不偯不踊
不杖不菲不廬

禁哭謂大祭祀時雖不哭猶朝夕奠其即位自仍舊

童子則不備禮菲謂菲屨廬謂倚廬鄭

孔子曰伯母叔母䟽衰踊不絕地姑姊妹之大功踊絕
於地如知此者由文矣哉由文矣哉

伯母叔母義也姑姊妹骨肉也䟽衰大功文也踊絕
不絕情也伯叔母之喪文至而情不至姑姊妹之喪

文不至而情至也由此而推則禮由於內矣故曰如
知此者由文矣哉再言而嘆詠之言喪禮當以情為

重也

用鄭氏
陸氏修

子柳之母死相者由左泄柳死其徒由右相由右相泄
柳之徒為之也

由右相雖非古亦在可以然之域凡言自某始者記
失禮之始凡言為之者君子亦有取焉如鑿巾以飯
公羊賈為之也由右相泄柳之徒為之也七月而禘

獻子為之也

陸氏

天子飯九貝諸侯七大夫五士三

飯九貝即檀弓所謂飯用米貝也以九以七以五以

三降殺以兩士喪禮具三實于筭此士三之證

方氏陸氏

士三月而葬是月也卒哭大夫三月而葬五月而卒哭
諸侯五月而葬七月而卒哭士三虞大夫五諸侯七

葬有遲速會葬者有遠近也卒哭亦與之遲速以未
葬有朝夕奠也然葬後又二月方卒哭豈三年之喪

既同而卒哭之期獨異耶

諸侯使人吊其次含祔贈臨皆同日而畢事者也其次如此也

言五者相次同時

鄭氏

卿大夫疾君問之無筭士壹問之君於卿大夫比葬不食肉比卒哭不舉樂為士比殯不舉樂

君於臣盡恩禮如此

補

升正柩諸侯執紼五百人四紼皆銜枚司馬執鐸左八

人右八人匠人執羽葆御柩大夫之喪其升正柩也執

引者三百人執鐸者左右各四人御柩以茅

綽緇同
引去聲

升正柩者謂將葬朝于祖正棺於廟也廟中曰綽在

塗曰引互言之御柩者居前道正之以鳥羽注於柄

頭如蓋謂之羽葆茅取其色白宜於凶禮

鄭氏
孔氏

孔子曰管仲鏤簋而朱紘旅樹而反坫山節而藻梲賢

大夫也而難為上也晏平仲祀其先人豚肩不揜豆賢

大夫也而難為下也君子上不僭上下不偏下

鏤篋刻為蟲獸冠有笄者為紘紘在纓處兩端上屬
下不結祭義云天子冕而朱紘旅道也樹立也旅樹
者當門道而立之屏反坫鄭氏以為反爵之坫汲冢
周書注以為向外室未知孰是山節刺山於屋拱藻
枕畫藻於短柱管仲奢而僭上晏子儉而偏下

方氏

婦人非三年之喪不踰封而弔如三年之喪則君夫人
歸夫人其歸也以諸侯之弔禮其待之也若待諸侯然
夫人至入自闈門升自側階君在阼其他如奔喪禮然

嫂不撫叔叔不撫嫂

踰封越竟也君夫人歸謂奔父母喪也閨門宮中之門此明諸侯夫人奔父母喪之禮已嫁為父母期

云三年者以本親言也嫂叔遠別

孔氏

君子有三患未之聞患弗得聞也既聞之患弗得學也既學之患弗能行也君子有五恥居其位無其言君子恥之有其言無其行君子恥之既得之而又失之君子恥之地有餘而民不足君子恥之衆寡均而倍焉君子

恥之

既得又失謂進退不能以禮義倍謂他人之功倍已

方氏

孔子曰凶年則乘駑馬祀以下牲

自貶損亦取易供

鄭氏

恤由之喪哀公使孺悲之孔子學士喪禮士喪禮於是乎書

士喪禮見儀禮

陸氏

子貢觀於蜡孔子曰賜也樂乎對曰一國之人皆若狂
賜未知其樂也子曰百日之蜡一日之澤非爾所知也
張而不弛文武弗能也弛而不張文武弗為也一張一

弛文武之道也

蜡仕
嫁反

蜡索也歲十二月合聚萬物而索饗之祭名也國索
祭黨正屬民飲食于序於是民無不醉如狂百日言
勞之久一日言澤之均張弛以弓喻張喻勞民弛喻

息民張之為武弛之為文

鄭孔氏及
賈家說

孟獻子曰正月日至可以有事於上帝七月日至可以有事於祖七月而禘獻子為之也

鄭氏曰記魯失禮所由也孟獻子魯大夫仲孫蔑也獻子欲尊其祖以郊天之月對而禘之非也魯之宗廟猶以夏時之孟月爾明堂位曰季夏六月以禘禮祀周公於太廟孔氏曰獻子以二至相當以天對祖乖失禮意春秋宣九年獻子始見經僖八年未有獻子而七月禘者以僖公八年公會王人于泚六月應

禘以在會未還故至七月乃禘魯時暫行之此不云自獻子始是不恒行也

集

夫人之不命於天子自魯昭公始也

周制同姓百世昏姻不通昭公取於吳為同姓故不

告於天子此亦記魯失禮所由始

鄭氏

外宗為君夫人猶內宗也

外宗異姓親內宗同姓親為君皆服斬衰為夫人皆

齊衰

方氏

廐焚孔子拜鄉人為火來者拜之士壹大夫冉亦相弔之道也

拜之者為其來弔已

鄭氏

孔子曰管仲遇盜取二人馬上以為公臣曰其所與遊辟也可人也管仲死桓公使為之服官於大夫者之為之服也自管仲始也有君命焉爾也

辟區亦

管仲自盜中簡取二人薦上以為桓公之臣謂此二人所與遊者是邪辟之人故為盜其人實可與之人

也故管仲死桓公使二人者為之服

孔氏

過而舉君之諱則起與君之諱同則稱字

過猶誤也舉猶言也起者失言而變自新也

鄭氏
孔氏

內亂不與焉外患弗辟也

內亂謂同僚為亂而力不能制之者○門內之事恩

掩義內亂不與者所以重恩門外之事義斷恩外患

弗辟者所以重義公羊傳曰辟內難而不辟外難

方氏

贊大行曰圭公九寸侯伯七寸子男五寸博三寸厚半

寸剡上左右各寸半玉也藻三采六等

大行人掌五等諸侯之禮記者贊助其言故曰贊行人藻薦玉者也三采朱白蒼六等六行也每色為二

行

方氏
孔氏

哀公問子羔曰子之食奚當對曰文公之下執事也

問其先人始食祿當何代對以文公之下執事是始

於魯文也

方氏
說

成廟則饗之其禮祝宗人宰夫雍人皆爵弁純衣雍人

拭羊宗人視之宰夫北面于碑南東上雍人舉羊升屋
自中中屋南面割羊血流于前乃降門夾室皆用雞先
門而後夾室其衄皆於屋下割雞門當門夾室中室有
司皆鄉室而立門則有司當門北面既事宗人告事畢
乃皆退反命于君曰釁其廟事畢反命于寢君南鄉于
門內朝服既反命乃退路寢成則考之而不釁釁屋者
交神明之道也凡宗廟之器其名者成則釁之以緦豚
純衣謂絲衣則玄衣纁裳也湯謂將割牲先滅耳旁

毛薦之耳聽聲者告神欲其聽之也。○廟成而饗饗

者以血血陰也寢成而考考者飲酒酒陽也

方氏

諸侯出夫人夫人比至于其國以夫人之禮行至以夫
人入使者將命曰寡君不敏不能從而事社稷宗廟使
使臣某敢告於執事主人對曰寡君固前辭不教矣寡
君敢不敬須以俟命有司官陳器皿主人有司亦官受
之

諸侯出夫人謂諸侯棄妻器皿其元所賫者

補

妻出夫使人致之曰某不敏不能從而共潔盛使某也
敢告於侍者主人對曰某之子不肖不敢辟誅敢不敬
須以俟命使者退主人拜送之如舅在則稱舅舅沒則
稱兄無兄則稱夫主人之辭曰某之子不肖如姑姊妹
亦皆稱之

此又妻棄夫之禮嗚乎此亦有禮乎

補

孔子曰吾食於少施氏而飽少施氏食我以禮吾祭作
而辭曰䟽食不足祭也吾殮作而辭曰䟽食也不敢以

傷吾子

少施氏魯惠公子施父之後殮者食後更強飯以答

主人之意

鄭氏
孔氏

納幣一束束五兩兩五尋婦見舅姑兄弟姊妹皆立于堂下西面北上是見已見諸父各就其寢女雖未許

嫁年二十而笄禮之婦人執其禮燕則鬢首

鬢音
權

納幣謂昏禮尋八尺婦來為供養也其見主於尊者故兄弟以下在位是為已見不復特見雖未許嫁年

二十已為成人禮之酌以成之言婦人執其禮明非

許嫁之笄燕則鬟首謂既笄之後去之分髮為鬢紒

既未許嫁猶以少者處之也

鄭氏
孔氏

鞞長三尺下廣二尺上廣一尺會去上五寸紕以爵韋

六寸不至下五寸純以素紕以五采

長廣並去聲會古
外反紕婢支反純

以閏反
紕音迓

鞞紕也會謂上領縫也在上曰紕在下曰純六寸者

表裏各三寸紕施諸縫中若今時條

喪大記第二十二

疾病外內皆埽君大夫徹縣士去琴瑟寢東首於北牖
下廢牀徹褻衣加新衣體一人男女改服屬纊以俟絕
氣男子不死於婦人之手婦人不死於男子之手

埽去
聲縣

平聲首去
聲屬音燭

疾困曰病外內皆埽為賓客將來問病縣者所以垂
樂器徹縣去琴瑟以聲音動人病者欲靜也東首者
將使歸魂于陽於北牖下者將使反魄于陰廢牀者

人始生在地去牀庶其生氣反徹褻衣加以新衣體
一人者四體各一人持之為其不能自屈伸也續新
綿輕而氣易動屬者置口鼻之上以候其氣之絕男
不死女手女不死男手以別終也○此言靜以待盡
而不亂補

君夫人卒於路寢大夫世婦卒於適寢內子未命則死

於下室遷尸于寢士之妻皆死于寢

適丁
歷反

路寢猶路車之路以大言也適寢猶適子之適以正

言也內子卿之妻下室其燕處言寢者即正寢卿死

者必皆於其正處

鄭氏

復有林麓則虞人設階無林麓則狄人設階小臣復復者朝服君以卷夫人以屈狄大夫以玄纁世婦以禮衣士以爵弁士妻以稅衣皆升自東榮中屋履危北面三號捲衣投于前司服受之降自西北榮其為賓則公館復私館不復其在野則升其乘車之左轂而復

卷作衮屈音闕

纁勅貞反禮知
彥反稅他亂反

復者招新死之魂奠復還也虞人主林麓之官狄人樂吏之賤者階梯也所乘以升屋設階用虞人者以階之材出林麓無林麓者用狄人以樂人有箕虛亦階梯之類也復用小臣以君之所親近卷者衮衣屈狄即闕狄賴赤也榮屋翼危棟上○復用死者之祭服求神之道也初復求生故升自東榮陽也求不得而還降自西北榮陰也

本鄭氏
孔氏說

復衣不以衣尸不以斂婦人復不以衽凡復男子稱名

婦人稱字唯哭先復復而後行死事

禫而
廉反

復衣求生者故不用於死禫者嫁時上服非事鬼神

之衣

鄭氏

始卒主人啼兄弟哭婦人哭踊

啼如嬰兒失母哭有聲踊動容此言悲哀有深淺

用鄭

氏孔
氏修

既正尸子坐于東方卿大夫父子姓立于東方有司
庶士哭于堂下北面夫人坐于西方內命婦姑姊妹子

姓立于西方外命婦率外宗哭于堂上北面

子姓謂衆子孫外宗姑姊妹之女世子夫人為主故

坐男東女西各以其屬分立

用鄭氏
孔氏修

大夫之喪主人坐于東方主婦坐于西方具有命夫命婦則坐無則皆立士之喪主人父兄子姓皆坐于東方主婦姑姊妹子姓皆坐于西方

大夫變子言主人下於君也大夫之喪尊者坐卑者

立士賤故尊卑皆坐

陸氏
方氏

凡哭尸于室者主人二手承衾而哭

承死者之衾而哭若欲攀援然

方氏

君之喪未小斂為寄公國賓出大夫之喪未小斂為君命出士之喪於大夫不當斂則出

寄公謂失國之君來寄寓者國賓謂鄰國大夫來聘者出謂出而迎賓○新喪悲哀非為所尊不出

鄭氏

凡主人之出也徒跣扱衽拊心降自西階君拜寄公國賓于位大夫於君命迎於寢門外使者升堂致命主人

拜于下士於大夫親弔則與之哭不逆於門外扱初洽反

此更明拜迎委曲之儀降自西階不忍當主位孔氏

夫人為寄公夫人出命婦為夫人之命出土妻不當斂

則為命婦出

婦人亦各為其所尊出出謂出房補

小斂主人即位于戶內主婦東面乃斂卒斂主人馮之

踊主婦亦如之主人袒說髦括髮以麻婦人髻帶麻于

房中馮皮冰反說他活反髻側瓜反

髦者幼時剪髮為之至年長則垂著兩邊明事親常有孺子之義至親死乃脫之父喪脫左母喪脫右帶

麻謂婦人要經

方氏

徹帷男女奉尸夷于堂降拜君拜寄公國賓大夫士拜卿大夫於位於士旁三拜夫人亦拜寄公夫人於堂上

大夫內子士妻特拜命婦汜拜衆賓於堂上

奉芳勇反
汜芳紉反

此言小斂訖拜賓也於士旁三拜者拜卿大夫既於正位士故於旁士有三等不人人拜每一面三拜

孔氏

主人即位襲帶經踊母之喪即位而免乃奠帛者襲裘

加武帶經與主人拾踊

免音問拾其叔反

父喪小斂拜賓訖即位阼階之下襲衣要帶首經而

踊母喪拜賓訖即位時不復括髮以免代之免以襲

經至大斂乃成服所以異於父也武吉冠之卷

音帛

者加武明不改冠亦不免拾踊拾更也主人先踊婦

人踊帛者踊三者皆是與主人更踊

孔氏

君喪虞人出木角狄人出壺雍人出鼎司馬縣之乃官

代哭大夫官代哭不縣壺士代哭不以官君堂上二燭
下二燭大夫堂上一燭下二燭士堂上一燭下一燭

木給爨角為料

音俱

水斗壺漏水器冬漏以火爨鼎沸

而沃之此挈壺氏所掌屬司馬故司馬臨縣其器凡
未殯者哭不絕聲故小斂後縣漏分時均其官屬更

代為哭息其罷倦燭所以照饌滅燎而設燭

鄭氏
孔氏

賓出徹帷哭尸于堂上主人在東方由外來者在西方

諸婦南鄉

許亮
反

此小歛後尸出在堂時

婦人迎客送客不下堂下堂不哭男子出寢門見人不
哭其無女主則男主拜女賓于寢門內其無男主則女
主拜男賓于阼階下子幼則以衰抱之人為之拜為後
者不在則有爵者辭無爵者人為之拜在竟內則俟之
在竟外則殯葬可也喪有無後無無主

衰七
雷反

此明小歛後喪主人拜賓送賓之禮為後者不在則
有爵者辭謂主有官爵出行不在家而家有喪則攝

主為之辭於賓不敢當尊者禮若無爵者則人代之
拜主人在竟內則俟其歸在竟外則攝主代之殯葬
亦可也凡喪雖無後者必立之主故曰有無後無無

主

鄭氏
孔氏

君之喪三日子夫人杖五日既殯授大夫世婦杖子大
夫寢門之外杖寢門之內輯之夫人世婦在其次則杖
即位則使人執之子有王命則去杖國君之命則輯杖
聽卜有事於尸則去杖大夫於君所則輯杖於大夫所

則杖

凡記杖之節也輯斂也杖所以自扶故於出門杖在寢則輯之於所尊輯之又尊者則去之補

大夫之喪三日之朝既殯主人主婦室老皆杖大夫有君命則去杖大夫之命則輯杖內子為夫人之命去杖為世婦之命授人杖

此明大夫喪之杖節授人杖亦使人執之也鄭氏

士之喪二日而殯三日之朝主人杖婦人皆杖於君命

夫人之命如大夫於大夫世婦之命如大夫

此明士喪杖之節三日殯之明日也於君命夫人之命如大夫者言士之子於君命其妻於夫人之命皆如於大夫禮去杖也於大夫世婦之命如大夫者言士之子於大夫之命其妻於大夫妻之命如大夫之

禮輯杖於世婦授人杖

孔氏

子皆杖不以即位

庶子不以杖即位避適也

正義

大夫士哭殯則杖哭柩則輯杖棄杖者斷而棄之於隱

者斷

丁管反

始殯子於父父也其尊近故哭殯杖將塋啓殯而見

柩子於父父也君也其尊遠故哭柩不敢杖大祥斷

杖棄幽隱處使不汙穢也

合鄭氏孔氏說

君設大盤造冰馬大夫設夷盤造冰馬士併瓦盤無冰
設牀禮第有枕含一牀襲一牀遷尸于堂又一牀皆有

枕席君大夫士一也

造七報反併步頂反禮之善反第側里反含胡暗反

造猶內也謂內冰盤中夷盤者小於大盤士無冰以瓦為盤併以盛水耳禮自仲春之後尸既小斂置冰於盤設牀其上去席禴單也露第簣以通寒氣秋涼而止含也襲也遷尸也各一牀

本鄭氏孔氏說

始死遷尸于牀輴用斂衾去死衣小臣楔齒用角柶綴

足用燕几君大夫士一也

輴好胡反楔桑結反柶音四綴丁劣反

輴覆也遷尸在牀用斂時之衾覆之楔拄也柶以角為之長六寸兩頭屈曲將含恐口閉急故使小臣以

柶柱尸齒令開綴者拘足兩邊令直以便著屨

本鄭氏孔

說氏

管人汲不說緇屈之盡階不升堂授御者御者入浴小
臣四人抗衾御者二人浴浴水用盆沃水用料浴用絺
巾拒用浴衣如他日小臣爪足浴餘水棄于坎其母之

喪則內御者抗衾而浴

說吐活反緇均必反
料音主音斗拒音震

此明浴之禮也管人主館舍者并竈其所主故主汲
緇井索不脫緇屈之謂縈屈手中抗衾者蔽土形拒

拭也爪足斷足爪也

鄭氏
孔氏

管人汲授御者御者差沐于堂上君沐梁大夫沐稷士
沐梁甸人為徑于西牆下陶人出重鬲管人受沐乃煮
之甸人取所徹廟之西北扉薪用爨之管人授御者沐
乃沐沐用瓦盤拒用巾如他日小臣爪手翦須濡濯棄

于坎

差七何反徑音役重平
聲鬲音歷扉扶味反

此明沐之禮也差淅也淅飯米取其潘以為沐也沐
梁者用梁米之潘也梁美而稷次士亦沐梁士賤去

君遠無嫌也然士喪禮沐稻俎塹竈重鬲瓦瓶扉簷
下隱陋處凡以煮沐也煮熟而授御者沐之濡謂煩

擗其髮濯謂不淨之汁所濡濯汁棄坎中

鄭氏孔氏賈氏

君之喪子大夫公子衆士皆三日不食子大夫公子食
粥納財朝一溢米莫一溢米食之無筭士疏食水飲食
之無算夫人世婦諸妻皆疏食水飲食之無算

財謂穀即所食之米也溢二十兩為米一升二十四
分升之一。每日納所用之米朝莫各一溢居喪不

能頓食隨須則食故云無算

孔氏

大夫之喪主人室老子姓皆食粥衆士䟽食水飲妻妾
䟽食水飲士亦如之

室老貴臣衆士衆臣子姓孫

鄭氏
孔氏

既葬主人䟽食水飲不食菜果婦人亦如之君大夫士
一也練而食菜果祥而食肉

既葬至練祥飲食之節

孔氏

食粥於盛不盥食於暮者盥食菜以醯醬始食肉者先

食乾肉始飲酒者先飲醴酒

奠志
緩反

盛謂杯杓菘竹筍歠粥者不盥手飯者盥始食肉飲

酒謂祥後

孔氏

期之喪三不食食蔬食水飲不食菜果三月既葬食肉
飲酒期終喪不食肉不飲酒父在為母為妻九月之喪
食飲猶期之喪也食肉飲酒不與人樂之

期之喪謂大夫士旁期之喪三不食謂三次當食而
不食若期之正服則二日不食也食蔬食水飲不食

菜果者三月既葬則食肉飲酒此皆謂旁期之喪也
繼曰期終喪不食肉不飲酒則謂期之正服者也父
在而為母為妻及九月之喪食飲猶期之喪者亦謂
厭於父而抑情故食飲猶旁期之喪也然雖食肉飲
酒而不忍與人樂之補

五月三月之喪壹不食再不食可也比葬食肉飲酒不
與人樂之叔母世母故主宗子食肉飲酒不能食粥羹
之以菜可也有疾食肉飲酒可也五十不成喪七十唯

衰麻在身

世母伯母故主舊君。叔母以下義服恩輕故食肉飲酒其不能食粥羹之以菜謂性不能食粥者可食

飯菜羹

鄭氏

既葬若君食之則食之大夫父之友食之則食之矣不辟梁肉若有酒醴則辭

順尊者之命可以食美變於顏色亦不可

鄭氏

小斂於戶內大斂於阼君以篋席大夫以蒲席士以葦

席

簟細浦次之葦簾補

小斂布絞縮者一橫者三君錦衾大夫縞衾士緇衾皆一衣十有九稱君陳衣于序東大夫士陳衣于房中皆

西領北上絞紵不在列

絞戶交反稱尺
證反紵其鳩反

絞既斂所以束堅者縮從也

鄭氏

大斂布絞縮者三橫者五布紵二衾君大夫士一也君陳衣于庭百稱北領西上大夫陳衣于序東五十稱西

領南上士陳衣于序東三十稱西領南上絞紵如朝服

絞一幅為三不辟紵五幅無統

辟補麥反
統丁覽反

三衾或覆之或薦之如朝服謂布精麤朝服十五升
一幅為三析之也不辟不擘之斷也統以組類為之
綴之領側若今被識生時禪被有識死去之異於生

也鄭
氏

小斂之衣祭服不倒君無縫大夫士畢主人之祭服親
戚之衣受之不以即陳小斂君大夫士皆用複衣複衾

大斂君大夫士祭服無算君褶衣褶衾大夫士猶小斂

也複音福
褶音牒

祭服指死者所用衣多不盡著有倒者惟祭服尊其
領不倒君無襚者悉用已衣臣雖有襚者不用也畢

主人之祭服凡祭服盡用之也褶衿古洽反也孔氏

袍必有表不禫衣必有裳謂之一稱禫音單
稱去聲

袍必有表內外相稱衣必有裳上下相稱賈氏

凡陳衣者實之筐取衣者亦以筐升降者自西階凡陳

衣不詘非列采不入締綌紵不入

不詘謂舒而不卷列采謂五方正色襲尸冬夏用袍

故締綌紵不入

孔氏
鄭氏

凡斂者袒遷尸者襲君之喪大胥是斂衆胥佐之大夫
之喪大胥侍之衆胥是斂士之喪胥為侍士是斂

斂者勞故袒遷者舉之而已故襲胥樂官君尊故大
胥斂大夫降於君故衆胥斂士則朋友助之而已

補

小斂大斂祭服不倒皆左衽結紵不紐

左衽衽向左反生時也衽衣襟也死則不復解故絞

束畢結之不為紐

女九反

斂者既斂必哭士與其執事則斂斂焉則為之壹不食
凡斂者六人

斂者必使所與執事之人不使他人褻之鄭氏

君錦冒黼殺綴旁七大夫玄冒黼殺綴旁五士緇冒黼
殺綴旁三凡冒質長與手齊殺三尺自小斂以往用夷

衾夷衾質殺之裁猶冒也

殺色戒反
裁才再反

冒者既襲所用韜尸殺者冒之下帟所用韜足旁綴者其旁不縫用帶結之冒之質從頭韜下長與手齊殺從足韜上長三尺歛後衣多故用夷衾覆之夷衾

質殺之裁猶冒也裁猶制也

鄭氏
孔氏

君將大斂子弁經即位于序端卿大夫即位于堂廉楹西北面東上父兄堂下北面夫人命婦尸西東面外宗房中南面小臣鋪席商祝鋪絞紛衾衣士盥于盤上士舉遷尸于斂上卒斂宰告子馮之踊夫人東面亦如之

記君大斂之禮商祝祝習商禮者孔氏

大夫之喪將大斂既鋪絞紛衾衣君至主人迎先入門
右巫止于門外君釋菜祝先入升堂君即位于序端卿
大夫即位于堂廡楹西北面東上主人房外南面主婦
尸西東面遷尸卒斂宰告主人降北面于堂下君撫之
主人拜稽顙君降升主人馮之命主婦馮之

巫主辟凶邪釋菜禮門神鄭氏

士之喪將大斂君不在其餘禮猶大夫也

君不在謂士卑君不視斂其餘鋪衣列位男女之儀

悉如火夫

孔氏

鋪絞終踊鋪衾踊鋪衣踊遷尸踊斂衣踊斂衾踊斂絞
終踊

凡皆孝子踊之節

君撫大夫撫內命婦大夫撫室老撫姪娣君大夫馮父
母妻長子不馮庶子士馮父母妻長子庶子庶子有子
則父母不馮其尸凡馮尸者父母先妻子後君於臣撫

之父母於子執之子於父母馮之婦於舅姑奉之舅姑於婦撫之妻於夫拘之夫於妻於昆弟執之馮尸不當

君所凡馮尸興必踊

奉若蒙反

撫謂以手按之執當心上衣拘微引心上衣不當君

所不敢與尊者所馮同處

鄭氏孔氏

父母之喪居倚廬不塗寢苦枕由非喪事不言君為廬宮之大夫士禫之既葬拄楣塗廬不於顯者君大夫士皆宮之凡非適子者自未葬以於隱者為廬

由與坻同禫章善反

宮謂園障之禮謂袒露之未葬不塗既葬塗之不於顯者不塗見面於隱者為廬不欲人屬目廬蓋於東南角

既葬與人立君言王事不言國事大夫士言公事不言家事

未塋不與人並立既葬亦不言私

君既葬王政入於國既卒哭而服王事大夫士既葬公政入於家既卒哭并經帶金革之事無辟也

此權禮弁經帶者變喪服而弔服輕可以即事也

鄭氏

既練居堊室不與人居君謀國政大夫士謀家事既祥黝堊祥而外無哭者禫而內無哭者樂作矣故也

堊白也新塗堊牆壁令白也黝黑也黝堊者堊室之飾平治其地令黑也

孔氏

禫而從御吉祭而復寢期居廬終喪不御於內者父在為母為妻齊衰期者大功布衰九月者皆三月不御於內婦人不居廬不寢苦喪父母既練而歸期九月者既

葬而歸

從御御婦人復寢不復宿殯宮歸謂歸夫家鄭氏

公之喪大夫俟練士卒哭而歸

大夫士守君喪於公所之節

大夫士父母之喪既練而歸月朔忌日則歸哭于宗室
諸父兄弟之喪既卒哭而歸父不次於子兄不次於弟
歸謂歸其宮也不次謂不居殯宮鄭氏

君於大夫世婦大斂焉為之賜則小斂焉於外命婦既

加蓋而君至於士既殯而往為之賜大斂焉夫人於世婦大斂焉為之賜小斂焉於諸妻為之賜大斂焉於大夫外命婦既殯而往

恩輕者殯而後往恩重者大斂而往異恩者小斂即往為之賜言異恩也補

大夫士既殯而君往焉使人戒之主人具殷奠之禮俟于門外見馬首先入門右巫止于門外祝代之先君釋菜于門內祝先升自阼階負墉南面君即位于阼小臣

二人執戈立于前二人立于後擯者進主人拜稽顙君稱言視祝而踊主人踊

殷大也月朔之奠名殷奠大於朝夕之奠也稱言舉所以來之意也視祝而踊祝相君之禮故視之為節

也
鄭氏

大夫則奠可也士則出俟於門外命之反奠乃反奠卒奠主人俟于門外君退主人送于門外拜稽顙君於大夫疾三問之在殯三往焉士疾壹問之在殯壹往焉君

弔則復殯服

明君來弔士與大夫禮不同

夫人弔於大夫士主人出迎于門外見馬首先入門右
夫人入升堂即位主婦降自西階拜稽顙于下夫人視
世子而踊奠如君至之禮夫人退主婦送于門內拜稽
顙主人送于大門之外不拜

婦人迎送不出門故門內拜喪無二主故主人送于
門外不拜此大夫士之妻送迎夫人之禮

孔氏

大夫君不迎于門外入即位于堂下主人北面衆主人南面婦人即位于房中若有君命命夫命婦之命四鄰賓客其君後主人而拜

四鄰賓客謂昔經使鄰國今卿大夫遣使來弔其君後主人而拜者君代主人拜喪禮以後為尊主人無

二也

孔氏
賈氏

君弔見尸柩而后踊大夫士若君不戒而往不具殷奠君退必奠

君來不先戒當時雖不及具殷奠君去後必設奠以

祭君之來

孔氏

君大棺八寸屬六寸槨四寸上大夫大棺八寸屬六寸

下大夫棺六寸屬四寸士棺六寸

屬音燭槨
步歷反

此明君大夫士棺重數厚薄之制大棺以其包於外

故曰大屬則連屬於大棺故曰屬槨則親身而偏近

故曰槨大棺及屬用梓槨用柁

以支反

凡二重合厚二

尺一寸上大夫列國之卿也二重士一重天子則四

重制見檀弓庶人棺四寸

用孔氏
賈氏修

君裏棺用朱綠用雜金錯大夫裏棺用玄綠用牛骨錯

士不綠

錯子
南反

裏棺謂以繒貼棺裏朱貼四方綠貼四角錯釘也所

以琢朱綠繒者裏士惟用玄

鄭氏
孔氏

君盖用漆三衽三束大夫盖用漆二衽二束士盖不用

漆二衽二束

盖棺之上盖也用漆者塗其合縫處衽謂燕尾合棺

縫際也棺兩邊各三衽每當衽上輒以牛皮束之故

三衽三束大夫士則殺其一孔

氏孔

君大夫鬢爪實于綠中士埋之

鬢音舜爪側巧反

鬢死者亂髮也併爪寔綠中謂棺四角所貼之綠繒

士棺四角不綠故埋之

用孔氏修

君殯用輜櫬至于上畢塗屋大夫殯以幬櫬置于西序

塗不暨于棺士殯見衽塗上帷之

輜勃倫反見賢遍反

輜車所以載棺用輜謂置棺於輜之內櫬則聚木以

周其外至於棺上四注如屋攢畢則盡塗其屋幬覆也大夫棺不輜以棺衣覆幬之西序者屋堂西頭壁就牆攢其三面上不為屋塗不及其棺衽謂棺外衽束之衽也士不攢掘地下棺見露其衽亦以木覆塗其上而帷之帷者鬼神尚幽闇也凡塗之為火備也

用孔氏
賈氏修

熬君四種八筐大夫三種六筐士二種四筐加魚腊焉熬者煎穀使香將塗則設于棺旁所以惑蚍蜉使不

至棺君四種黍稷梁各二筐為八筐大夫去稻士
去梁四筐者手足處各一餘設於左右魚腊亦惑蟬

蚍

用孔
氏修

飾棺君龍帷三池振容黼荒火三列黼三列素錦褚加
偽荒纁紐六齊五采五貝黼翬二黻翬二畫翬二皆戴
圭魚躍拂池君纁戴六纁披六大夫畫帷二池不振容
畫荒火三列黻三列素錦褚纁紐二玄紐二齊三采三
貝黻翬二畫翬二皆戴綏魚躍拂池大夫戴前纁後玄

披亦如之士布帷布荒一池揄絞纁紐二緇紐二齊三

采一貝畫翼二皆戴綏士戴前纁後緇二披用纁

偽讀為帷

齊才細切又如字披彼義反揄音遙

飾棺以華道路不欲衆惡其親也帷者柳車邊障龍
帷者王侯畫龍三池者織竹為籠衣以青布挂於荒
之爪端以象平生宮室之有承雷名曰池天子四面
諸侯缺其後故三池振容者振動也容飾也以絞繒
為之長丈餘如幡畫其上為雉縣於池下為容飾車

行則動黼荒火三列黻三列者荒謂柳車之上覆緣
荒之邊為黑白黼文中央又畫火火形如半環凡三
列又畫黻黻形兩巳字相背亦三列也素錦褚者褚
屋也於荒下用白錦為屋在路象宮室也加偽荒者
鄭氏讀偽為帷上蓋曰荒邊牆曰帷加帷荒於素錦
屋之上也纁紐六者上蓋與邊牆相離故以纁繒為
紐以連之旁各三凡六也齊五采五貝者齊象車蓋
其鼈甲上當中形圓高三尺徑二尺餘四面有垂下

象車蓋之蕤上下縫合五采繒行列相次又列貝為五行交絡齊上也黼翬二黻翬二畫翬二皆戴圭者翼形如扇以木為筐廣三尺高二尺四寸以障柅車而行二畫黼二畫黻二畫雲氣兩角高皆戴圭玉也魚躍拂池者縣銅魚於柅容間車行則魚跳躍上拂池也君纁戴六纁披六者棺橫束有三每束兩邊屈皮為紐共六紐用纁帛戴索連繫於紐與外畔柳材相當故有六戴又用纁帛將一頭結此戴出一頭於

惟外人牽之故有六披也大夫之數降於君戴綏者
翼角不圭用五采羽作綏也士又降於大夫池掄絞
者士惟一池在前亦畫掄雉於絞在池上

鄭氏
孔氏

君葬用輜四綽二碑御棺用羽葆大夫葬用輜二綽二
碑御棺用茅士葬用國車二綽無碑比出宮御棺用功
布

輜即殯時載柩之車也國車者豈士不為輜車止因
常用之車歟綽即紼蓋引車者碑各一孔立於壙之

前後以穿紼下柩於墻者羽葆以鳥羽注於柄末如
蓋而御者執之為車行之節度士無碑手縣下之功
布大功之布羽葆功布等其象皆如麾比出宮者既

出宮後不用

用孔氏修

凡封用紼去碑負引君封以衡大夫士以咸君命毋譁
以鼓封大夫命毋哭士哭者相止也

封讀作窆咸讀作緘

封周禮作窆下棺也衡平也咸緘也棺束為緘人君
以木橫貫緘耳居旁持而平之大夫士旁牽緘而已

鼓者擊鼓為縱舍之節

鄭氏

君松椁大夫栢椁士雜木

松用松心

孔氏

棺椁之間君容柩大夫容壺士容甒

音武

間可藏物因以為度柩方二尺四寸壺大一石甒五


斗

鄭氏方氏

君裏椁虞筐大夫不裏椁士不虞筐

鄭氏曰裏椁之物虞筐之文未聞也陸氏曰裏椁裏

其內虞筐虞其外



黃氏日抄卷二十二